



Ráðhús Reykjavíkur  
Borgarráð

***Efni: Endurnýjun samstarfssamning við SAMFOK***

Á fundi skóla- og frístundaráðs þann 9. maí 2018 var lagt fram minnisblað sviðsstjóra skóla- og frístundasviðs, dags. 8. maí 2018, um endurnýjun samstarfssamnings skóla- og frístundasviðs við SAMFOK, drög að samstarfssamningi skóla- og frístundasviðs og SAMFOK og samstarfssamningur skóla- og frístundasviðs og SAMFOK, dags. 20. desember 2013.

Drög að samstarfssamningi skóla- og frístundasviðs og SAMFOK voru samþykkt og vísað til borgarráðs.

Framangreindu er hér með vísað til borgarráðs.

Virðingarfyllt

Helgi Grímsson  
sviðsstjóri skóla- og frístundasviðs

Hjálagt:  
Minnisblað sviðsstjóra, dags. 8. maí 2018  
Drög að samstarfssamningi  
Samstarfssamningur, dags. 20.12 2013



Reykjavíkurborg  
Skóla- og frístundasvið

Reykjavík, 8. maí 2018  
SFS2017090286  
138. fundur  
HG/geb

Til skóla- og frístundaráðs

Frá Helga Grímssyni, sviðsstjóra skóla- og frístundasviðs

***Efni: Endurnýjun samstarfssamnings SAMFOK og skóla- og frístundasviðs***

Samstarfssamningur milli SAMFOKS og skóla- og frístundasviðs sem undirritaður var 20. des. 2013 rann út í árslok 2017. Í byrjun janúar óskaði SAMFOK því eftir endurnýjun samningsins og að árlegt framlag skóla- og frístundasviðs yrði hækkað úr 8 millj. kr. í 12 millj. kr. SAMFOK lagði líka áherslu á að nýr samningur yrði gerður til 3 – 4 ára til að stuðla að samfelli í starfinu og tryggja starfsgrundvöll samtakanna. Markmiðið með samningum væri sem fyrr að tryggja sömu þjónustu við foreldra, skólasamfélagið og samstarf við Reykjavíkurborg næstu 3 - 4 árin.

Helstu rök SAMFOK fyrir hækkun á árlegu framlagi voru þau að samningurinn gerði samtökunum kleift að vera með starfsmann og leigja starfsaðstöðu. Viðmiðunarlaun hefðu hækkað um 45% frá gerð síðasta samnings og að umbeðin hækkun myndi mæta væntanlegum launahækkunum út samningstímann.

Samkomulag hefur náðst milli skrifstofu SFS og SAMFOKS um að leggja til að árlegt framlag SFS til SAMFOKS hækki úr 8 millj. kr. í 10 millj. kr. til að mæta hækkuðum launakostnaði. Nýr samningur gildi fyrir árið 2018 og framlengist sjálfkrafa um eitt ár í senn næstu tvö árin þar á eftir með fyrirvara um fjárheimildir skv. fjárhagsáætlun borgarinnar. Því til samræmis mun samningurinn renna út 31. desember 2020.

Starfsstyrkur til SAMFOK er þeim skilyrðum bundinn að samtökin leggi fram starfsáætlun fyrir 15. október ár hvert og kynni stöðu verkefna á fundi með skóla- og frístundasviði með yfirliti yfir stöðu verkefna áður en fyrri greiðsla er innt af hendi 15. maí ár hvert og með ársskýrslu fyrir liðið ár eigi síðar en 1. júní ár hvert.

Skóla- og frístundasvið Reykjavíkurborgar, kt. 530269-7609 og SAMFOK (Samtök foreldra grunnskólabarna í Reykjavík), kt. 551184-0729 gera með sér svofelldan

## **SAMSTARFSSAMNING**

### **1. gr. Markmið**

Markmið samnings þessa er að styrkja starf grunnskólanna í Reykjavík á jákvæðan hátt með öflugum og góðu samstarfi foreldra og skóla. Mikilvægt er að foreldrar séu í góðu samstarfi við grunnskólana, séu virkir þátttakendur í námi og starfi barna sinna og eigi þess kost að eiga hlutdeild í mótun bekkja- og skólalags. Að því skal unnið með því að:

- a. Miðla fræðslu og upplýsingum til skólaforeldra í því skyni að auka hlutdeild þeirra í skólastarfi barna sinna.
- b. Efla og styðja við starf bekkjarfulltrúa.
- c. Efla og styðja starf foreldrafélaga.
- d. Efla og styðja starf foreldra sem sæti eiga í skólaráðum.
- e. Efla og auka samstarf milli skólastjórnenda og foreldra.

### **2. gr. Samstarf**

Skóla- og frístundasvið Reykjavíkurborgar lítur á SAMFOK sem samstarfsaðila og fulltrúa stjórna foreldrafélaga og fulltrúa foreldra í skólaráðum í grunnskólunum í Reykjavík. SAMFOK tekur að sér að starfa í samræmi við fyrstu grein þessa samnings. Sérstök áhersla verður lögð á skóla þar sem foreldrasamstarf stendur höllum fæti að mati beggja samningsaðila.

### **3. gr. Fjárhæð styrks og skyldur samningsaðila**

Skóla- og frístundasvið Reykjavíkurborgar styrkir SAMFOK um 10.000.000.-kr á árinu 2018. Styrkurinn skal greiddur með tveimur jöfnum greiðslum, þann 15. maí og 15. ágúst, að uppfylltum öllum skilyrðum samningsins á fyrsta samningsárinu, s.s. skil ársskýrslu fyrir árið 2017 eigi síðar en 1. júní ásamt yfirliti yfir stöðu verkefna það se mar er árinu 2018. Á síðari tveimur samningsárunum er fyrri greiðslan greidd þann 15. janúar og sú síðari 15. júní. Greitt er inn á bankareikning SAMFOK, reikningsnúmer 334-26-8008.

SAMFOK leggur fram starfsáætlun í samræmi við stefnu skóla- og frístundasviðs Reykjavíkurborgar fyrir 15. október ár hvert, þar sem fram komi stefnumarkandi skref á árinu. SAMFOK skal kynna stöðu verkefna á fundi með skóla- frístundasviði, annars vegar með yfirliti yfir stöðu verkefna áður en fyrri greiðsla ársins er greidd 15. maí og hinsvegar með ársskýrslu fyrir liðið ár eigi síðar en 1. júní ár hvert.

### **4. gr. Verkefni SAMFOK á grundvelli styrks.**

Verkefni SAMFOK á grundvelli styrksins skv. 3. gr. eru eftirfarandi:

- a. Veita upplýsingar öllum þeim grunnskólaforeldrum í Reykjavík sem óska leiðbeiningar og ráðgjafar hvort sem er í síma eða í gegnum tölvupóst.
- b. Annast fræðslu og ráðgjöf til fulltrúa grunnskólaforeldra hvort sem er bekkjarfulltrúa, stjórna foreldrafélaga eða fulltrúa í skólaráðum, m.a. með námskeiðum og fræðslufundum.
- c. Veita foreldrafélögum og skólastjórnendum ráðgjöf og stuðning, sérstaklega þar sem foreldrasamstarf stendur höllum fæti.
- d. Annast gerð og uppfærslu netfangalista yfir foreldrafélög og skólaráð í grunnskólum í Reykjavík í samvinnu við skóla- og frístundasvið.
- e. Taka þátt í stefnumótun Reykjavíkurborgar sem varðar skóla- og frístundamál þegar þess er óskað og

koma sjónarmiðum foreldra á framfæri við yfirvöld.

f. Efla samvinnu á milli foreldrafélaga í einstökum hverfum með því að koma á tengslum innan skólahverfa og skapa foreldrum samstarfsvettvang þar sem miðlað er reynslu og þekkingu.

g. Skóla- og frístundasvið Reykjavíkurborgar sendir tölvupóst til foreldra fyrir SAMFOK tvisvar á ári, í september til að kynna vetrardagskrá og í maí til að boða aðalfund.

#### **5. gr.**

#### **Endurkrafa vegna ofgreiðslu eða vanefnda**

Komi í ljós að skóla- og frístundasvið hafi ofgreitt styrkfjárhæð af einhverjum ástæðum, t.d. vegna rangra upplýsinga eða mistaka mun skóla- og frístundasvið lækka styrkfjárhæð til skólans við næstu greiðslu sem því nemur eða krefjast endurgreiðslu.

Verði um vanefndir að ræða á skyldum annars hvors samningsaðila skv. samningi þessum er gagnaðila heimilt að rifta samningnum, þ.m.t. afturkalla styrkloforð og/eða krefjast endurgreiðslu, án frekari fyrirvara eða aðvarana. Áður en til riftunar kemur skal samningsaðili þó hafa skorað á gagnaðila að bæta úr vanefndinni innan hæflegs frests.

#### **6. gr.**

#### **Reglur, gildistími og uppsögn**

Samningur þessi gildir fyrir árið 2018. Samningurinn framlengist sjálfkrafa um eitt ár í senn, næstu tvö árin þar á eftir, ef veitt verður fé til verkefnisins í fjárhagsáætlun Reykjavíkurborgar. Gerður er fyrirvari af hálfu Reykjavíkurborgar um að fjárveitingar skóla- og frístundasviðs eru gerðar með fyrirvara um fjárheimildir skv. fjárhagsáætlun á hverju ári eftir fyrsta ár samningsins. Til samræmis við framangreinds rennur samningurinn út 31. desember 2020.

Samningurinn er uppsegjanlegur á gildistíma sínum af hálfu beggja samningsaðila með 6 mánaða fyrirvara og miðast uppsögn við mánaðamót.

Um samning þennan fer eftir reglum Reykjavíkurborgar um styrki og skal geta þess í kynningarefni SAMFOK að félagið njóti styrks frá Reykjavíkurborg.

Skv. reglum Reykjavíkurborgar um styrki skulu þeir, sem njóta styrkja frá Reykjavíkurborg, skila kyngreindum gögnum um þá sem eftir atvikum veita eða njóta tiltekinnar þjónustu eða gæða vegna styrkveitingarinnar. Sérstaklega skal greint frá því hvaða áhrif styrkurinn hefur á stöðu jaðarsettra hópa fólks, sbr. mannréttindastefna Reykjavíkur Greinargerðinni skal skilað á sérstöku eyðublaði <http://www.reykjavik>.

Skv. mannréttindastefnu Reykjavíkurborgar eru styrkir borgarinnar bundnir því skilyrði að unnið sé gegn mismunum og að jafnrétti. Mannréttindaráð Reykjavíkurborgar getur krafist viðtakanda styrks um greinargerð um ráðstöfun hans til að fylgjast með því að hann sé nýttur á jafnréttisgrundvelli.

Óski annar hvor samningsaðila eftir áframhaldandi samningi eftir að gildistíma lýkur skal hann koma því á framfæri hið minnsta þremur mánuðum áður en samningurinn rennur út þann 31. desember 2020.

#### **7. gr.**

Rísi ágreiningur um efni og/eða túlkun samnings þessa skal reka ágreiningsmál fyrir héraðsdómi Reykjavíkur.

Af samningi þessum eru gerð tvö samhljóða frumrit, sitt handa hvorum aðila.

Reykjavík,

Vottar að rétttri dagsetningu, undirritunum  
og yfirlýsingu aðila um fjárræði sitt.

---

---



Skóla- og frístundasvið Reykjavíkurborgar, kt. 530269-7609 og SAMFOK (Samtök foreldra grunnskólanna í Reykjavík), kt. 551184-0729 gera með sér svofelldan

## SAMSTARFSSAMNING

1.gr.

### Markmið

Markmið þessa samnings er að styrkja starf grunnskólanna í Reykjavík á jákvæðan hátt með öflugtu og góðu samstarfi foreldra og skóla. Mikilvægt er að foreldrar séu í góðu samstarfi við grunnskólana, séu virkir þátttakendur í námi og starfi barna sinna og eigi þess kost að eiga hlutdeild í mótun bekkja- og skólabrags. Að því skal unnið með því að:

- a. Miðla fræðslu og upplýsingum til skólaforeldra í því skyni að auka hlutdeild þeirra í skólastarfi barna sinn.
- b. Efla og styðja við starf bekkjarfulltrúa.
- c. Efla og styðja starf foreldrafélaga.
- d. Efla og styðja starf foreldra sem sæti eiga í skólaráðum.
- e. Efla og auka samstarf milli skólastjórnenda og foreldra.

2.gr.

### Samstarf

Skóla- og frístundasvið Reykjavíkurborgar lítur á SAMFOK sem samstarfsaðila og fulltrúa stjórn foreldrafélaga og fulltrúa foreldra í skólaráðum í grunnskólunum í Reykjavík. SAMFOK tekur að sér að starfa í samræmi við fyrstu grein þessa samnings. Sérstök áhersla verði lögð á skóla þar sem foreldrasamstarf stendur höllum fæti skv. skilgreiningu beggja aðila samningsins.

SAMFOK leggur fram starfsáætlun í samræmi við stefnu skóla- og frístundasviðs Reykjavíkurborgar fyrir 1. október ár hvert, þar sem fram komi stefnumarkandi skref á árinu. SAMFOK skal kynna stöðu verkefna á fundi með skóla- frístundasviði tvisvar á ári. Annars vegar með yfirliti yfir stöðu verkefna áður en seinni greiðsla ársins er greidd 15. júní ár hvert og hinsvegar með ársskýrslu fyrir liðið ár eigi síðar en 1. maí ár hvert.

3.gr.

### Fjárhæð styrks


Skóla- og frístundasvið Reykjavíkurborgar styrkir SAMFOK um 8,0 mkr. árið 2014. Skal styrkurinn greiddur með tveim jöfnum greiðslum, í síðast lagi 15. janúar og 15. júní að öllum skilyrðum samningsins uppfylltum. Greitt er inn á bankareikning SAMFOK, reikningsnúmer 334-26-8008.

Áður en seinni greiðslan er innt af hendi skal SAMFOK kynna stöðu verkefna í starfsáætlun sinni.

4. gr.

### Verkefni SAMFOK á grundvelli styrksins eru að:

- a. Veita upplýsingar öllum þeim grunnskólaforeldrum í Reykjavík sem óska leiðbeiningar og ráðgjafar hvort sem er í síma eða í gegnum tölvupóst.
- b. Annast fræðslu og ráðgjöf til fulltrúa grunnskólaforeldra hvort sem er bekkjarfulltrúa, stjórn foreldrafélaga eða fulltrúa í skólaráðum, m.a. með námskeiðum og fræðslufundum.



- c. Veita foreldrafélögum og skólastjórnendum ráðgjöf og stuðning, sérstaklega þar sem foreldrasamstarf stendur höllum fæti.
- d. Annst gerð og uppfærslu netfangalista yfir foreldrafélög og skólaráð í grunnskólum í Reykjavík í samvinnu við skóla- og frístundasvið.
- e. Taka þátt í stefnumótun Reykjavíkurborgar sem varðar skóla- og frístundamál þegar þess er óskað og koma sjónarmiðum foreldra á framfæri við yfirvöld.
- f. Efla samvinnu á milli foreldrafélaga í einstökum hverfum með því að koma á tengslum innan skólahverfa og skapa foreldrum samstarfsvettvang þar sem miðlað er reynslu og þekkingu.
- g. Skóla- og frístundasvið Reykjavíkurborgar sendir tölvupóst til foreldra fyrir SAMFOK tvisvar á ári, í september til að kynna vetrardagskrá og í maí til að boða aðalfund.
- h. SAMFOK gerir áætlun í samstarfi við fulltrúa skóla- og frístundasviðs um fræðslu til skólaráða í Reykjavík, sbr. samþykkt í skóla- og frístundaráði á 30. fundi, þann 21.11.2012.

4.gr.

#### Vanefndir

Skóla- og frístundasvið áskilur sér rétt til að rifta samningnum, afturkalla styrkloforð og/eða krefjast endurgreiðslu ef sannanlega er um forsendubrest eða vanefndir að ræða af hálfu samningsaðila.

5. gr.

#### Reglur, gildistími og uppsögn


Um samninginn gilda reglur Reykjavíkurborgar um styrki samþykktar í borgarráði 9. september 2004, sbr. breytingar samþykktar í borgarráði 3. júní 2010.

Samningur þessi gildir fyrir árið 2014. Samningurinn framlengist sjálfkrafa um eitt ár í senn, næstu þrjú árin þar á eftir, ef veitt verður fé til verkefnisins í fjárhagsáætlun Reykjavíkurborgar. Fjárhæð styrksins er háð fjárveitingum Reykjavíkurborgar. Samningurinn rennur út 31. desember 2017.

Samningurinn er uppsegjanlegur hvenær sem er á tímabilinu af hálfu beggja samningsaðila með 6 mánaða fyrirvara miðað við næstu mánaðamót eftir uppsögn.

Óski annar hvor samningsaðila eftir áframhaldandi samningi eftir að gildistíma lýkur skal hann koma því á framfæri hið minnsta þremur mánuðum áður en samningurinn rennur út þann 31. desember 2017.

Reykjavík, 20.12.2013



f.h. skóla- og frístundasviðs Reykjavíkurborgar



f.h. SAMFOK

Vottar að rétttri dagsetningu, undirritunum og yfirlýsingu aðila um fjárræði sitt.

